

眉州屬志

北 289.171  
135.1  
:3





眉州屬志卷五

典禮志

朝賀禮

祀典

廟壇

附各祠



章志貞教齊一風俗莫善於禮禮者生人之幹無禮則無以立是故經禮三百制之凡曲禮三千文之目上自朝廷下及閭巷莫不有其一定之則使之範圍而不能過所以當時人心淳一罔敢越逾而天下於是乎治自後世化性起偽之說興而謂禮豈為我輩設以虛無為好尚以放達為高賢而人道之禍於是乎烈矣我

眉州屬志

卷五

朝賀

一

朝會典一書酌古準今永堪為萬世臣民之法而又欽定三禮於義疏之紛紜簡編之殘缺罔不折衷以歸于至當而猶莫大於朝祭之間蓋辨上下定民志崇有德報有功甚盛典也茲於朝賀祭祀諸大典謹遵會典脩錄以為率循並酌定鄉飲古禮亦附於後夫以舊坊為無用而棄之者必有水敗矧值典章明脩之時守土者所當與僚屬士民講明而切究者也敢不恪恭將事以為導民成俗之助哉作

典禮志



朝賀

各縣率僚屬行禮如制

天保之詩曰如岡如陵梓材之書曰欲至于萬年自古臣子忠愛其君未有不頌禱其壽者祝釐之典所由來矣恭逢

萬壽聖誕前後各三日知州於雞鳴時率僚屬穿蟒服同至城內寶華寺

萬壽亭文武依品級分東西班席地以坐是謂坐班正誕雞初鳴朝服分班行三跪九叩首禮是謂

朝賀元旦冬至行禮如前

眉州屬志

卷五

朝賀

二

祀典

所屬遵行如制

文廟之祀會典載每歲仲春仲秋上丁日致祭先期散齋二日各宿別室前一日同宿祭所不飲酒不食葱蒜不弔喪問疾不聽樂不理刑不判署刑殺文字不預穢事致齋惟專治祭事

祭前一日知州簽榜由州中門出鼓樂迎至文廟前張掛至晚行省牲禮知州率僚屬至明倫堂觀演樂習儀畢引贊引獻官穿補服詣省牲所唱曰就位至香案前立獻爵奠酒三揖唱曰省牲牽牲



過案唱曰禮畢幸特用各神案前供奉餘毛血執事生捧送

知州率僚屬至

先師廟丹墀各一揖退

祭日鷄初鳴將牲饌樂器燭爐陳設整齊知州率

僚屬等至更衣所通贊贊曰簽祝版引贊唱曰更

衣官穿朝服曰升堂從東階上曰序爵曰序事各生曰

請祝請祝版至曰簽名各官書名曰下堂從西階下通贊贊曰啓

戶司戶生將各門大開曰樂舞生就位曰執事者各司其事

諸生各執其事曰正獻官就位分獻官各就位文東武西通贊

眉州屬志

卷五

祀典

三

贊曰瘞毛血司毛血生將毛血磔捧從中啓牲饌

執事將牲饌俎盤蓋啓開曰迎神 樂作引贊引各官唱曰詣

西北隅迎神衆官皆至衆官打躬通贊贊曰參神樂奏

咸平之章 鳴贊曰跪衆官皆三跪九叩首興樂

止

初獻通贊贊曰行奠帛初獻禮樂奏寧平之章 引

贊引主祭官唱曰詣盥洗所滌手進由詣酒尊所

司尊者舉幕酌酒執事取酒執爵正階引贊唱

曰詣



至聖先師孔子神位前跪上香進帛奠帛進爵獻爵  
俯伏興平身唱曰詣讀祝位跪鳴贊曰衆官皆跪  
引贊曰讀祝文俯伏興平身鳴贊曰衆官皆興平  
身 引贊引主祭官唱曰詣復聖顏子神位前跪  
上香進帛奠帛進爵獻爵俯伏興平身 唱詣宗  
聖曾子神位前跪上香進帛奠帛進爵獻爵俯伏  
興平身 唱詣述聖子思子神位前跪上香進帛  
奠帛進爵獻爵俯伏興平身 唱詣亞聖孟子神  
位前跪上香進帛奠帛進爵獻爵俯伏興平身

眉州屬志

卷五

祀典

四

復位通贊贊曰行分獻禮引贊引州判詣東西哲  
神位前引教諭訓導詣東西廡神位前俱皆盥洗跪上  
香獻帛獻爵俯伏興皆復位

亞獻通贊曰行亞獻禮樂奏安平之章引贊引主祭  
官詣酒尊所取酒唱詣

至聖先師孔子神位前跪餘與初獻同

終獻樂奏景平之章餘與初獻同各復位 引贊引

主祭官詣飲福位跪鳴贊唱衆官皆跪引贊唱曰

飲福酒

執事取正中一爵從右邊跪遞與主祭官候訖將爵從左邊遞與執事

唱受



福胙

執事取先師位前半膳盛木盤從右遞與主祭官受之遞左邊執事由中門出正階下送

至主祭

祭 俯伏興平身謝福胙各官俱行三叩首禮

興復位

通贊贊曰徹饌樂奏咸平之章執事將牲饌俱

徹

通贊贊曰辭神樂奏咸平之章各官俱行三

跪九叩首禮

引贊引衆官送神至戟門唱曰詣

送神所曰衆官打躬

通贊贊曰望燎讀祝者捧

祝執帛者捧帛各詣燎所

先聖帛祝俱由中門

引贊引衆

官唱曰詣望燎位舉柴焚祝帛

將祝文揭下并帛俱焚於火內埋於

坎下 曰復位樂止

通贊贊曰闔戶

鳴贊唱曰

眉州屬志

卷五

祀典

五

禮畢退班

崇聖祠主祭官行二跪六叩禮餘儀同無樂舞

祭文

乾隆九年部頒

先師廟

維年月日某官致祭於

至聖先師孔子曰維 先師德隆千古道冠百王揭

日月以常行自生民所未有屬文教昌明之會正

禮節樂和之時辟雍鐘鼓咸恪薦於馨香泮水膠

庠益致嚴於籩豆茲當仲

春秋 祗率葵章肅展微忱



聿將祀典配以復聖顏子宗聖曾子述聖子思子  
亞聖孟子尚饗

崇聖祠

維年月日某官致祭於

肇聖王 裕聖王 詒聖王 昌聖王 啓聖王曰

維 王奕葉鍾祥光開聖緒盛德之後積久彌昌

凡聲教所覃敷率循源而溯本宜肅明禋之典用

申守土之忱茲屆仲秋春聿修祀典配以先賢顏氏

先賢曾氏先賢孔氏先賢孟孫氏尚饗

眉州屬志


卷五

祀典

六


正位祭品陳設圖

東西配東西哲東  
西廡視此遞減



菹	芹	菹	韭	羹	太羹	和羹	形	棗
醢	兔	醢	醢	和羹	和羹	和羹	棗	棗
醢	筍	醢	菁	和羹	和羹	和羹	棗	棗
醢	魚	醢	鹿	和羹	和羹	和羹	棗	棗

饌盤



帛一篚白色長一丈  
八尺酒三爵羊一俎  
豕一俎太羹一登和  
羹二銅黍稷稻梁二  
簋二籩左形鹽棗魚  
棗栗榛菱芡鹿脯入  
菁菹鹿醢芹菹兔醢  
筍菹魚醢入豆



麾一金鐘十六玉磬十六搏拊二一祝一啟一琴六  
瑟四簫六笛六鳳簫二笙六塤二篪二楹鼓一應  
鼓一田鼓二

頌 奉 歌

歌歌歌

琴琴琴 瑟瑟瑟 楹 祝 麾  
鐘金鼓 笙笙笙 簫簫簫 篪 拊搏

鼓田

樂 之 圖

正

歌歌歌

琴琴琴 瑟瑟瑟 玉 啟 麾  
鼓 笙笙笙 簫簫簫 篪 拊搏

鐘鼓

鼓田

按樂之起止視麾起樂則舉樂闋則偃本用一麾  
今圖列二麾似誤

眉州屬志

卷五

祀典

七

節二羽籥三十六

舞 舞 舞 舞 舞 舞 舞 舞 舞 舞

頌 奉

舞 舞 舞 舞 舞 舞 舞 舞 舞 舞

舞 份

正

之

舞 舞 舞 舞 舞 舞 舞 舞 舞 舞

圖 籥

舞 舞 舞 舞 舞 舞 舞 舞 舞 舞



樂章

春祭夾鐘為宮倍應鐘起調

迎神 咸平

大伏哉伏孔伏子伏

先伏覺伏先伏知伏

與伏天伏地伏參伏

萬伏世伏之伏師伏

祥伏徵伏麟伏紱伏

韻伏答伏金伏絲伏

日伏月伏既伏揭伏

乾伏坤伏清伏夷伏

初獻 寧平

予伏懷伏明伏德伏

玉伏振伏金伏聲伏

眉州屬志

卷五

祀典

八

生伏民伏未伏有伏

展伏也伏大伏成伏

俎伏豆伏于伏古伏

春伏秋伏上伏丁伏

清伏酒伏既伏載伏

其伏香伏始伏升伏

亞獻 安平

式伏禮伏莫伏愆伏

升伏堂伏再伏獻伏

響伏協伏鼗伏鏞伏

誠伏孚伏壘伏虡伏

肅伏肅伏雍伏雍伏

譽伏髦伏斯伏彥伏

禮伏陶伏樂伏淑伏

相伏觀伏而伏善伏

終獻 景平



自伏古伏在伍昔伏

先仕民伍有伏作伏

皮伍弁仕祭伏菜伏

於仕論伍斯伏樂伏

惟伍天仕牖伏民伍

惟伏聖仕時伏若伏

彝伍倫伍攸仕叙伏

至仕今伍木伏鐸伏

徹饌 咸平

先伏師伏有伏言伍

祭伏則仕受伏福伍

四伏海伏鬻伍宮仕

疇伏敢伏不伏肅伏

禮伍成仕告伏徹伍

毋伏䟽伏毋伏瀆伏

樂伍所仕自伏生伏

中伍原伏有伏菽伏

眉州屬志 卷五

祀典

九

送神 咸平

鳧伏繹伏峩伏淺伍

洙仕泗伏洋伏洋伏

景仕行伍行伍止仕

流伏澤伏無伍疆伏

聿伍昭仕祀伏事伏

祀伏事伍孔伏明伏

化伏我伍蒸伏民仕

育伏我伏膠伏庠伏

秋祭南呂為宮仲呂起調

迎神 咸平

大伏哉伏孔仕子伏

先伏覺伏先伏知仕

與伏天仕地伏參伏

萬伏世伏之伏師伏



祥伏徵伏麟伏綬伏

日伏月伏旣伏揭伏

初獻 寧平

予伏懷伏明伏德伏

生伏民伏未伏有伏

俎伏豆伏干伏古伏

清伏酒伏旣伏載伏

亞獻 安平

式伏禮伏莫伏愆伏

眉州屬志

卷五

禮典

十

升伏堂伏再伏獻伏

響伏協伏鼗伏鏞伏

誠伏孚伏鬯伏虡伏

肅伏肅伏雍伏雍伏

譽伏髦伏斯伏彥伏

禮伏陶伏樂伏淑伏

相伏觀伏而伏善伏

終獻 景平

自伏古伏在伏昔伏

先伏民伏有伏作伏

皮伏弁伏祭伏菜伏

於伏論伏斯伏樂伏

惟伏天伏牖伏民伏

惟伏聖伏時伏若伏

彝伏倫伏攸伏叙伏

至伏今伏木伏鐸伏

徹饌 咸平



先師伏有仕言伏

祭伏則伏受伏福伏

四伏海伏鬣伏宮伏

疇伏敢仕不伏肅伏

禮伏成伏告伏徹伏

毋伏疏仕毋伏瀆伏

樂伏所伏自伏生伏

中伏原仕有伏菽伏

送神 咸平

鳧伏繹伏戕仕戕伏

洙伏泗伏洋伏洋仕

景伏行仕行伏止伏

流伏澤仕無伏疆仕

聿伏昭伏祀伏事伏

祀伏事伏孔伏明仕

化伏我伏蒸伏民伏

育伏我仕膠仕庠伏

眉州屬志

卷五

祀典

十一

武廟雍正三年奉

旨追封

關帝三代公爵

曾祖光昭公

祖裕昌公

父成

忠公

勅建三公祠每年春秋祭祀

詔加尊帝號為忠義神武關聖大帝乾隆二十五年

詔改諡神勇乾隆三十三年

詔加忠義神勇顯佑關聖大帝奉頒祭儀與

文廟略同但無樂後殿儀與啓聖祠亦同



祭品

帛一爵三牛一羊一豕一果品五器核桃荔枝圓  
眼棗栗各一酒一尊

祭文

乾隆九年頒

前殿年月日某官致祭於

忠義神勇顯佑關聖大帝曰維 帝浩氣凌霄丹心  
貫日扶正統而彰信義威震九州完大節以篤忠  
貞名高三國神明如在編祠宇於寰區靈應丕昭  
薦馨香於歷代屢徵異蹟顯佑羣生恭值佳辰遵

眉州屬志

卷五

祀典

三

行祀典筵陳籩豆式奠牲醪尙饗

後殿年月日某官致祭於 關帝之

曾祖光昭公

祖裕昌公

父成忠公曰維

公世

澤詒麻靈源積慶德能昌後篤生神武之英善則  
歸親宜厚尊崇之報列上公之封爵 錫命攸隆  
合三世以肇禋典章明備恭逢諏吉祇事薦馨尙  
饗

社稷壇雍正十一年奉

旨修建



祭品

羊一豕一釧一籩四豆四爵六簋二簋二黑色帛

二

祭文

年月日某官致祭於

社之神曰維

神奠安九

土粒食萬邦分五色以表封圻育三農而蕃稼穡

恭承守土肅展明禋時屆仲秋

春

敬修祀典庶九九

松栢鞏磐石於無疆翼翼黍苗佐倉箱於不匱尙

饗

眉州屬志

卷三

祀典

三

風雲雷雨山川壇雍正十一年奉

旨修建每春秋仲月上戊日致祭設木主三位一風雲

雷雨居中一山川居左一州城隍居右

祭品

羊一豕一釧一簋二簋二棗栗之屬五白色帛七

風雲雷雨山川六城隍一爵同

祭文

年月日某官致祭於

風雲雷雨山川城隍之神

曰維

神贊襄天澤福祐蒼黎佐靈化以流形生



成永 乘氣機而鼓盪溫肅攸宜磅礴高深永保  
安貞之吉憑依鞏固實資捍禦之功幸民俗之殷  
盈仰神明之庇護恭修歲祀正值良辰敬潔豆籩  
祇陳牲幣尙饗

先農壇雍正四年奉

旨建設每歲季春月亥日致祭

祭品

一 羊一豕一爵三登一釧二籩十豆十簋二簋二帛

眉州屬志

卷五

祀典

十四

祭儀

耕藉日每年奉文行知屆期致齋二日祭日主祭  
官及各官俱穿朝服至壇先請神牌安奉壇上禮  
生引主祭官至行禮處文東武西排立唱樂舞生  
各就位執事生各司其事主祭官就位陪祭官各  
就位瘞毛血迎神奏樂樂奉永豐之章主祭官衆  
官俱行三跪九叩首禮興奠帛行初獻禮樂奏時  
豐之章引主祭官詣盥洗所進巾詣神位前上香  
跪獻帛獻爵叩首興詣讀祝位跪衆官皆跪讀祝



文畢俱三叩首興復位行亞獻禮樂奏咸豐之章  
又引主祭官升壇詣神位前跪獻爵叩首興復位  
行終獻禮樂奏大豐之章又引主祭官升壇詣神  
位前跪獻爵叩首興復位徹饌樂奏屢豐之章辭  
神樂奏報豐之章主祭官行三跪九叩首興捧祝  
帛饌各詣燎所樂奏慶豐之章望燎禮畢退至壇  
側各官俱換蟒袍品服禮生引至耜田所行耕耜  
禮知州秉耒州佐執青箱播種用耜老一人牽牛  
農夫二人扶犁九推九返農夫終畝耕畢各官率  
耜行三跪九叩首禮畢而散農具俱用赤色牛黑色  
子種青色種照地土所宜者

樂章

永豐之章

勾芒秉耒土牛是驅惟神歆止蒼龍駕車念彼田疇  
疇民命所需生成有德尙式臨諸

時豐之章

先農神 故耒耜教民田祖靈哉稼穡是親功德深



厚天地同仁肅將幣帛肇舉明禋厥初生民萬彙  
莫辨神錫之休嘉穀乃誕執茲醴齊豐功益見玉  
瓚椒醕肅雍舉奠

咸豐之章

上原下隰百穀盈止粒我蒸民秀良興起樂舞具  
備吹豳稱兕再躋以獻肴馨酒旨

大豐之章

糜芑秬秠惟神所貽以神饗神曰予將之秉耒三  
推東作允宜五風十雨率土何私

眉州屬志

卷五

祀典

六

屢豐之章

於皇農事自古爲烈莫敢不承今茲忻悅籩豆旣  
豐簠簋云潔神視井疆執事告徹

報豐之章

麻麥芄芄黍稻連阡縱橫萬里皆神所瞻人歌鼓  
腹史載有年歲有常典第祿綿綿

慶豐之章

玉版蒼幣來監來歆敬之重之藏於厚深典禮由  
古予行自今樂樂利利國以永寧



祭文

年月日某官致祭於 先農之神曰維 神肇興  
稼穡粒我蒸民頌思文之德克配彼天念率育之  
功陳常時夏茲當東作咸服先疇洪惟九五之尊  
歲舉三推之典恭膺守土敢忘勞民謹奉爨章聿  
修祀事惟願五風十雨嘉祥常沐於神庥庶幾九  
穗雙岐上瑞頻書乎大有尙饗

按壇壝之制會典載地廣袤二畝有奇壇方二丈  
五尺高三尺四寸出陛各三級壇前九丈五尺週

眉州屬志

卷五

祀典

七

繞以墻長四十五丈石主長二尺五寸方一尺埋  
於壇上正中 近南二尺五寸露圓尖於外神牌用  
木高二尺二寸濶四寸五分座高四寸五分濶八  
寸五分朱漆 青字祭畢藏之

雩祭 乾隆七年定每歲孟夏行常雩禮不另立雩  
壇卽於先農壇行禮並合祀社稷山川諸神

牌位

祝文 乾隆九年新頒

年月日某官致祭於 社稷先農山川之神曰恭

膺



詔命撫育羣黎仰體

彤廷保赤之誠勤農勸稼俯維葑屋資生之本力穡服田令甲爰頒肅舉祈年之典惟寅將事用申守土之忱黍稷惟馨尙與昭明之受賜來牟率育庶俾豐裕於蓋藏尙饗

崇祭

乾隆七年定旱歲祭雩祈雨潦則祭祭城門祈晴

祝文

年月日某官致祭於城門之神曰

詔命臨民職司守土惟兆人之攸賴並藉神功與四序

眉州屬志

卷五

祀典

六

之常調羣蒙福蔭必使雨暘應候爰占物阜而民安庶其寒燠咸宜共慶時和而歲稔仰靈樞之默運聿集嘉祥襄元化以流行俾無災害尙饗

乾隆七年禮部議覆御史徐以升條陳祈雨事宜一摺奏准

勅下各省督撫轉飭各府州縣孟夏擇日行常雩禮或有亢旱每七日先祭界內山川次祭社稷致齋虔禱雨澤不得用大雩禮亦不得另設雩壇卽於社稷籍田等處恪恭將事或淫潦爲災則伐鼓用牲



崇祭城門以祈晴霽仍雨不止則伐鼓用牲祭於社毋庸於各壇祈禱若僧道建壇諷經乃宋時相沿於寺觀祈晴雨建置道場實非經義古制應停止

厲壇每歲春清明秋七月望日冬十月朔日祭先期一日牒本州城隍焚告文祭日迎城隍木主於壇上旁列無祀鬼神位

龍神祠祭文

年月日某官致祭於

眉州屬志

卷五

祀典

九

龍神曰維神德洋洋寰海澤潤蒼生允襄水土之平經流順軌廣濟泉源之用膏雨及時績奏安瀾占大川之利涉功資育物欣庶類之蕃昌仰藉神庥宜隆報享謹遵祀典式協良辰敬布几筵肅陳牲幣尙饗

名宦祠祭文

年月日某官致祭於名宦之神曰卓哉羣公懋修厥職澤被生靈功垂社稷茲惟仲秋春謹以牲醴用申常祭尙饗



鄉賢祠祭文

年月日某官致祭於 鄉賢之神曰於惟羣公毓  
秀茲邦懿德卓行奕世流芳茲惟仲春謹以牲醴  
用申常祭尙饗

忠義孝弟祠祭文

年月日某官致祭於 忠義孝弟之靈曰惟靈稟  
負貞純躬行篤寔忠誠奮發貫金石而不渝義聞  
宜昭表鄉閭而共式祇事懋彝倫之叙性摯莪蒿  
克恭念天顯之親情殷棣萼模楷咸推夫懿德

眉州屬志

卷五

祀典

二十

綸恩特闡其幽光祠宇維隆歲時式祀用陳尊簋  
來格几筵尙饗

節孝祠祭文

年月日某官致祭於 節孝之靈曰惟靈純心皎  
潔令德柔嘉矢志完貞全閨中之亮節竭誠致敬  
彰閩內之芳型茹冰蘖而彌堅清操自勵奉盤匱  
而匪懈篤孝傳徽 絲綸特沛乎殊恩祠宇昭垂  
於令典祇循歲祀式薦尊醪尙饗

廟壇



眉州

文廟載入學校

武廟治北知州金一鳳重修乾隆四十二年知州蔡

宗建新建拜廳五十三年知州趙秉淵重修大殿

風雲雷雨山川壇治南許

舊壇無存嘉慶四年知州涂長發擇地重建

社稷壇治西里許

先農壇治東里許

厲壇治北里許

城隍廟治北康熙四十二年知州金一鳳改遷正北

眉州屬志

卷五

廟壇

三

街壁山巷旁旋復舊處乾隆四十四年知州蔡宗建重修

龍王廟治北乾隆五十年知州蔡宗建新修

火神廟舊建學宮巷口後移置寶華寺內乾隆四十

二年知州蔡宗建改建寺右

丹稜縣

文廟載入學校

武廟治東三里舊建悉如制乾隆九年武生宋芳溪

陳斐章等重葺



社稷壇治北郊

風雲雷雨山川壇治南郊雍正六年知縣朱奎朗修築

先農壇治東二里雍正四年知縣朱奎朗修築

厲壇治北雍正八年知縣朱奎朗修築

城隍廟昔在治東明洪武間知縣孔克宜建明末遷

於西街後康熙五十年街民劉名輝募衆重新之

規模悉備

彭山縣

眉州屬志

卷五

廟壇

三

文廟載入學校

武廟治北門內

社稷壇治西門外諸壇制悉照會典乾隆十八年知

縣張鳳翥重葺

風雲雷雨山川壇治南門外五里知縣張鳳翥重葺

先農壇治北門外平蓋觀下

厲壇治北郊

城隍廟治北門內知州金一鳳重修乾隆二十年知

縣張鳳翥捐募重建規模大備



龍神廟在城隍廟側

青神縣

文廟載入學校

武廟治小南門外

社稷壇

風雲雷雨山川壇

先農壇治東百步

厲壇治北郊外乾隆二十九年知縣王承熾捐築  
城隍廟治西正街舊止一層知縣林鴻募建前楹乾

眉州屬志

卷五

廟壇

三

隆二十九年知縣王承熾捐建頭門

火神廟小南門內

附載諸祠廟

按祭法曰法施於民以死勤事以勞定國則祀之  
能禦大菑能捍大患則祀之非此族也不在祀典  
雖名山大川不在封內者不祭古先賢哲非其後  
嗣者不饗所以禁淫濫抑誦瀆也蜀俗崇信巫鬼  
祠宇所在丹雘男婦持香拜祝者踵相接也良由  
愚民鮮識妄生希冀異端復從而簞鼓之故聞風



而靡矣茲典禮志於

國家崇祀諸

廟壇外如鄉賢之可為矜式名宦之遺澤在人而未  
入祀典者附載於編其他二氏之宮概弗錄焉示  
有別也

眉州

文昌祠

舊在治北郭外康熙九年改建學宮左三十七年署州盧帝臣知州余一鳳增修五十五年知州張漢復建兩廂雍正二年知州錢青更建正殿三間廊房十間乾隆三年知州王淑京補葺

眉州屬志

卷五

廟壇

三

東嶽廟

治西一在多悅鎮

南嶽廟

治南門內

光武廟

治北二十里康熙四十二年知州金一鳳重建近因故址傾塌移建龍安舖

忠武侯廟

治北祀漢諸葛武侯

桓侯廟

治南金流鄉

花卿廟

治西祀唐花敬定本長安人至德間從崔光遠討段子章有功封嘉祥侯

孟拾遺祠

治西七里拾遺孟昭圖也僖宗在蜀政事悉出內侍田令孜昭圖論事坐貶令孜遣

人沉於墓願津後人立廟祀之宋祁弔之以詩有難排趙高鹿竟葬楚江魚之句廟

廢今祀於墓願觀



三蘇祠 城西卽紗穀巷舊宅

韓公廟 治東眉州州判韓賓開墓願堰勤勞暴卒顯應於此州人建廟祀之後廢今建祠奉祀

### 丹稜縣

文昌祠 昔在學宮外乾隆元年貢生瞿良瓚等改建楓落山為祠三楹

順應廟 治南祀唐花敬定

晉王廟 治西四十里祀唐李克用

黃金廟 治西五十里黃金峽祀西晉旌陽令許遜相傳有斬蛇除蜃之功故血食於此

壁山廟 治南十五里祀唐安撫使趙延之

### 彭山縣

## 眉州屬志

### 卷五

廟壇

五

文昌祠 在學宮右知縣張綽建

東嶽廟 治西南

忠孝祠 治北祀漢張綱晉李密明行中書政事河東張衍為祀今祀

岑彭廟 治北今祀

### 青神縣

東嶽廟 治東門內

青衣祠 治北門外半里蜀侯蠶叢氏常服青衣教民蠶事民感德立祠祀之

白馬祠 治西三十里祀漢龐士元明獻賊至境神曾降雪磚擊賊

川主祠 治內祀隋嘉州太守趙昱以有斬蛟功血食至今焉



鄉飲酒禮

古禮有四一則三年賓興賢能二則鄉大夫飲國中賢者三則州長習射飲酒四則黨正蜡祭飲酒鄉三年大比一行天子六鄉升學士於天子諸侯三鄉升學士於諸侯又鄉簡不率教者習鄉上齒以化導之皆鄉大夫爲主人州一年再行春秋以禮會民射於州序因而飲之州長爲主人黨一年一行歲十二月大蜡祭以禮屬民飲酒於序以正齒位黨正爲主人凡行禮主人朝服就先生而謀

賓介先生者致仕之大夫曰父師士曰少師使教於鄉學名爲鄉先生知里人之賢故就謀之賢者爲賓次者爲介又次爲衆賓無常數主人獻衆賓其長升拜受者三人故表爲三賓僎卽鄉之鄉大夫士來助主人者介以輔賓必不可無僎以輔主可有可無但有之則全耳賓象天主象地介僎象陰陽日月三賓象三光三讓象月三日成魄四面坐象四時升歌三終笙入三終間歌三終合樂三終樂備揚觶立司正尊於房戶之間賓主其之也



牲用狗取其有所守而善擇人也其義則尊讓潔  
敬以遠闕辨免人禍先禮後財則民敬讓尊長養  
老而孝弟之行立所以感人心維風化者典綦重  
也而行者寥寥豈謂不得其人與抑有司簡略之  
過與

國朝順治二年順天府詳查鄉飲酒禮舊制移送禮  
部題請通行直省府州縣每舉行設賓餼介主酒  
席於存留錢糧內支辦雍正元年

特諭鄉飲酒禮乃敬老尊賢之古制近聞年久多視為

眉州屬志

卷五

鄉飲禮

七

具文所備筵宴亦甚不堪應加謹舉行乾隆二年  
河南按察司隋人鵬奏請頒發儀注全圖議以所  
舉人員開具事實履歷由府直隸州呈司查考咨  
部備案各州縣所舉人員不得瞻徇濫舉致干議  
例如有劣衿棍民鼓蕩唇吻誣鱗良善者嚴法究  
治定於紳士中年高德厚者一人爲大賓士子中  
一人爲介賓庶人中數人爲衆賓乾隆十八年陝  
西布政司張若震條奏鄉飲酒禮則例部議題覆  
載入學政全書乾隆二十五年禮部議奏直省鄉



飲每年舉行一次儒學州縣秉公選舉具詳該管  
上司照京府例責成布政司核實報明督撫存案  
如不得其人卽詳明停止不得苟且塞責

儀注每歲正月十五日十月初一日於儒學行鄉飲  
酒禮前一日執事者於儒學之講堂依圖陳設坐  
次司正率執事習禮至日黎明執事者宰牲具饌  
主人及僚屬司正先詣學遣人速賓候以下比至  
執事者先報曰賓至主席率僚屬出迎於庠門之  
外揖入主居東賓居西三讓三揖而後升堂東西

眉州屬志

卷五

鄉飲禮

六

相向立贊兩拜賓坐執事者又報曰候至主席又  
率僚屬出迎揖讓升堂拜坐如前儀賓候介至旣  
就位執事者唱司正揚觶執事者引司正由西階  
升詣堂中北向立執事者唱賓候以下皆立唱揖  
司正揖賓候以下皆揖執事者以觶酌酒授司正  
司正舉酒曰恭惟

朝廷率由舊章敦崇禮教舉行鄉飲非爲飲食凡我  
長幼各相勸勉爲臣盡忠爲子盡孝長幼有序兄  
友弟恭內睦宗族外和鄉里無或廢墜以泰所生



讀畢執事者唱司正飲酒飲畢以觶授執事執事者唱揖司正揖賓僎以下皆揖司正復位賓僎以下皆坐唱讀律令執事者舉律令案於堂之中贊禮引讀律令者詣案前北向立唱賓僎以下皆立行揖禮如前讀畢復位執事者唱供饌案執事者舉饌案至賓前次僎次介次主三賓以下各以次舉訖執事者唱主獻賓主起席北面立執事斟酒以授主主受爵詣賓前置於席稍退贊兩拜賓答拜訖執事又斟酒授主主受爵詣僎前置於席交從之執事者斟酒授賓賓受爵詣主前置於席稍退贊兩拜賓僎主交拜訖各就位坐執事者分左右立介三賓衆賓以下以次斟酒於席訖執事者唱飲酒或三行或五行供湯又唱斟酒飲酒供湯三品畢執事者唱徹饌候徹饌案訖唱賓僎以下皆行禮僎主僚屬居東賓介三賓衆賓居西贊兩拜訖唱送賓以次下堂分東西行仍三揖出庠門而退



主府知府州知州 縣知縣如無正官佐貳代位於  
東南大賓以致仕 官爲之位於西北僎賓擇鄉里  
年高有德之人位於東北介以次長位於西南三  
賓以賓之次者爲之位於賓主介僎之後除賓僎  
外衆賓序齒列坐 其僚屬則序爵司正以教職爲  
之主揚觶以罰贊 禮者以老成生員爲之

律令凡鄉飲酒禮序 長幼論賢良別奸頑其坐席間  
高年有德者居上 高年淳篤者竝之以次序齒而  
列其有違條犯法 者不許干與良善之席違者罪

眉州屬志

卷五

鄉飲禮

三

以違制敢有喧嘩 失禮者揚觶者以禮責之  
鄉飲酒禮圖

三僎

海

東階

二僎

正

一僎

正

一賓

大賓

律案

二賓

正

三賓

衆賓

西階